

呂祖全書

乙巳仲冬
萬德至善社重刊

呂祖全書卷十五

清微三品至道極玄叅同妙典大乘度劫真經下卷

大道之根。原於無始。生天生地。生人生物。無物不有。
。無乎不存。或靜息機。或動行神。出有入無。爲萬化
根。入幽出顯。爲造物心。古不爲古。匪今斯今。微乎
微乎。不可以名。名之爲道。亦起於人。我聞在昔。太
極未闢。一炁渾淪。陰陽交錯。混混沌沌。天地倒亂。
五行紛更。乾坤失叙。日月無明。人物銷鑠。世界咸湮
。乍無乍有。若浮若沉。惝恍渺忽。汨沒紛紜。或上或
下。飄蕩無憑。是諸上聖。仙佛真人。帝天神宰。祖玄
高尊。一切金剛。不壞法身。遇茲劫會。感化遭迍。以
茲銷鑠。漸喪其神。形神互化。罔保元真。一失永失。

盡撥本根。萬年苦行。累劫良因。以斯厄故。無與爲存。
。中有至人。名曰元始。憫茲劫運。大顯威神。攝諸帝
釋。上聖高真。暨諸佺宰。佛菩提根。一切聖神。納諸
黍米。珠中藏之。又復收攝。萬炁祖根。於一指甲。奉
與至人。號曰無象。納諸佺竅。經三萬度。歷一大會。
涵養孕育。哺以佺炁。運以神精。轉以靈胎。煦以元意。
。由子入丑。大炁初凝。佺風漸鼓。元宰陶鈞。始乃一
炁。上浮氤氳。於是清輕。凝結渾灑浩音。環轉周輪。如
是輪轉。經三萬度。無所停息。轉轉不已。漸次淘勻。
而斯一氣。累落渣滓。漸結爲地。維重爲濁。綱維八極。
。粗者爲峙池上聲。清者爲流。以茲流峙。鎔化山河。凡
諸一切。五行本質。各以其精。撰形成色。遍佈堪輿。

互聚元炁。永固坤貞。維彼昊天。鼓舞盤旋。一氣包舉。
。重復凝精。以斯地道。亘古無傾。與天對待。化化生
生。上者施與。下者順成。靡終靡極。或載或成。無疆
之化。天地成能。以斯天地。交感化生。內出盤古。是
大至人。憫茲宇宙。混沌不清。氣機尚塞。化育難行。
爲此之故。特顯化身。一晝一夜。七十二變。變諸種類
。各肖其形。終變妙相。厥體具均。頂天履地。是名爲
人。得理之正。得氣之清。得精之妙。得神之靈。乃爲
三才角立鼎分。可知生天生地生人生物各類。無乎不肖
。無乎不神。非此至人。奚何有因。是此至人。秉教無
象。御居玉清。極之恍惚。無可思議。清微之境。主持
一切。天道地道。人道魔道。水澤幽冥。輪迴六道。檢

閱劫數。推運乾坤。主持天人。仙佛真宰。黜陟超證。
因緣果報。御攝提格。大荒落界。無思無爲。運化無心。
。以無無心。故無無爲。以無無爲。故無無形。無聲無
臭。無等無倫。無無無法。亦無無名。無詿無礙。無無
無情。以無思議。至無無神。以無神故。無所不明。無
所不屬。無所不行。化無不化。育養適均。是爲元始。
居於玉清。端拱佺默。運化古今。清虛寂定。杳亡杳存。
。無物不體。無息不生。主宰佺要。同歸始青。厥生在
木。厥成在金。稟象離火。坎水蒙屯。歸極戊土。中和
爲君。出大神咒。變理六陰。陰靜而動。陽極斯伸。一
陰一陽。五行聚精。妙合闢塞。虛空涵凝。是諸五方。
配諸五行。各有一帝。各居其心。各司厥職。各運乃神

。各奉佡令。各奏厥成。是諸帝屬。各各有守。以宣元
運。以佈皇仁。而此元始。以無量身。度無量劫。保固
元氣。任數推遷。無意無必。妙極自然。是此元始。居
玉清中。運無量身。極大神通。分身應化。各以其神。
入居人身。各各一頂。各一元始。寓居其中。爲一身主
。爲萬氣宗。是此人身。各以所得。元始化身。各顯神
通。極諸不可思議之時。無所侵害。無所危殆。無生無
滅。無動無靜。神舍安然。無乎不注。以斯之故。故雖
劫運。更代遞嬗。而此佡宰。仍無毀壞。各以其所。分
化化身。復歸玉清。還集元始。得匪所增。仍圓妙相。
故知元始。統於一元。一元分化。極於萬象。萬象森羅
。總歸一元。一元變化。無所端倪。無所思維。靜極而

動。動亦如如。動極而靜。靜亦如如。一動一靜。一靜
一動。任諸動靜。或分或合。或復或離。無不各有一元
始相。各以其相。各成妙體。各以其相。無假收攝。各
復本來。仍歸一體。而元始相。尊居玉清。微乎微乎。
是此玉清。聖境莊嚴。在大羅天。極無上上。至無所擬
。於無能名。至虛至玄。絕頂之處。非具金剛。純一妙
體。極無所上。功德苦行。爲諸天尊。至尊真人。望瞻
翹首。渺忽莫憑。終無由至。以無至者。故其玄境。微
妙莫測。但以劫運。循環往復。皆所稟受。是故五老。
偕諸真宰。上詣玉清。請授要旨。乃見元始。坐玉清中
。法座莊嚴。天所希有。是諸法界。無有等者。清虛廣
漠。寂淡逍遙。衆所罕覩。俄見其天。五色並麗。忽有

罡風。轉如車輪。運行廓外。而此玉清。化諸億萬。莫
可度量。此億萬天。各各現化。一元始尊。出衆妙音。
如一妙音。普爲上下。帝釋真人。說衆妙因。解消厄會
。躋斯衆生。或脫苦趣。詣佞都境。講說因緣。蓋此因
緣。原諸浩劫。爲諸天宰。此種微妙。匪可言傳。惟在
學人。各以所得。論於元始。剖析精深。至哉斯境。包
含周遍。罔有外者。是諸天人。欲觀斯勝。惟絕思維。
端居靜坐。跌坐凝神。空彼衆有。如無此身。如無此心
。廣竄浩渺。如虛空際。神閒氣靜。息機於密。則有妙
境。從坐而開。是諸玉清。一切勝概。星羅碁布。同棋森
然具現。而此元始。應化化身。端拱佞寂。坐法座中。
現諸法象。與吾神接。蓋此元始。一理撰結。萬氣歸根

。至真無妄。爲無妄者。乃見其神。微乎微乎。非虛非實。若有若無。無耳口鼻。無聲色味。無意想識。乃契厥微。乃獲觀之。自佞教息。無與言者。我今指示。玉清妙道。學道之士。克體淵源。屏絕思議。默佞靜悟。心不著物。以無無意。解祕密因。叅同妙契。於子午時。調息氣機。萬神攝伏。外內太素。攝諸法象。咸歸無有。入黍米珠。觀諸天地。現一切法。日月星辰。山河嶽瀆。萬昌億類。大千世界。一切形聲。色相體質。無不具足。外相清好。觀者各以其意得之。出入極外。立乎天根。見諸天地。如一脫粟。是諸色相。各於微塵。剎中現之。無所不有。而實無有。是此佞微。曾何擬議。至哉微乎。誰造其極。我聞元始。爲闡此妙。極於無

爲。觀空非空。空無所空。視有非有。有則俱有。惟空不空。而實空空。惟有不有。而實有有。有乎空乎。空乎有乎。空中之有。有不爲有。有中之空。空不爲空。空其所有。有所空。是爲真玄。玄而又玄。寓諸天中。爲天地根。寓居人中。爲人身祖。修性修命。修道之士。修此祖根。祖根完具。萬氣俱凝。氣歸於命。命統乎性。性也氣也。命也道也。玄也真也。祖也根也。是爲元始。玉清妙道。夫此妙道。傳於元始。元始下傳。歸本玄要。此玄要機。藏於玉清。清微宮中。紫霞錦囊。非真真人。夙器深重。道根清淨。未可與聞。迺者至人。法號靈寶。憫茲下土。未獲聞此至玄妙道。累劫經生。無由脫解。至於終極。輾轉輪迴。爰現法身。在香

林苑。闡演靈章。金科玉律。運化乾坤。拔度天人。利濟羣品。拯救幽魂。是諸妙法。廣佈閻浮。流傳濁界。依法持修。超證妙果。遵律虔行。普周六道。然此法典。金格精嚴。持修之士。非清淨體。非清淨心。非清淨行。莫究玄微。蓋斯妙法。變化無端。極恒河沙。亦難比擬。上通於天。極天外天。至無極天。天佺之天。乃無所象。並無能容。無非是法。所周流處。下通於地。極諸扶桑。至虞淵谷。及於地所不載之處。無非是法。流通環轉。放而行之。彌於六合。卷而藏之。退歸於密。云有非有。以無非無。象則成像。空亦如空。匪可思議。究何言說。本之於心。應之無迹。來鮮端倪。去仍罔極。視之不見。聽之無聲。造化由我。天地爲因。因

應匪測。度數莫尋。微乎妙哉。無古無今。無等無倫。清虛佺密。罔所由明。惟此至人。以至佺道。演至佺法。流通宇內。雖至愚夫。獲聞佺訣。咸得奉行。無有弗應。無有弗靈。無弗如意。無弗從心。故知妙法。無有不欽。無有不伏。無有不承。究厥由來。本子至真。真實無妄。萬法歸身。以身體法。以法衛生。生生不息。法法斯神。神明變化。極乎無因。在閻浮提。爲法之師。鬼神敬禮。天人悉欽。宗風以震。役御雷霆。呼風喚雨。救濟羣倫。驅邪縛魅。宇宙澄清。人倫以正。道德昌明。入無出有。法法遞承。至道法備。德行崇深。功業廣被。神歸上清。若夫修士。苦叅佺奧。養氣鍊形。則有魔王。統率眷屬。來相侵擾。乃仗斯法。收復邪精。

。爰無所侮。克究玄冥。無所恐怖。無所礙滯。無所障
蔽。乃克悉心。鍊氣鎔神。故知斯法。保護諸道。無能
外者。然此妙法。是靈寶尊。在上清境。親受元始。玄
理所撰。匪所易得。靈寶尊居。上清之境。禹餘宮中。
手搏音團太極。分陰分陽。以奇變偶。以偶成三。以三化
萬。至億萬萬。以及無算。還以無算。仍復一奇。歸諸
太極。無所虧缺。亦無罣漏。並無盈數。以斯之故。睇
觀玄微。知此至道。各寓妙法。乃以所見。即成是法。
故知是法。皆道之髓。非體道者。是法不傳。微乎妙哉
。我昔幸見。禹餘聖境。居天之心。其色炳耀。其象昭
明。其形空闊。其體清淨。無物不有。無理不存。紛紜
雜還。萬象森森。靜無所有。而無不有。動無不形。而

實無形。千真萬宰。聖賢仙靈。佛菩提衆。罔不在焉。
下至凡夫。愚與不肖。莫不各各有一靈寶。至妙至佺。
無極變化。至神明法。惟落後天。生種種障。障蔽靈臺。
。致使一切。妙法神化。無由著見。久乃汨沒。愈失本
真。本真既失。萬法湮淪。悲哉嘆乎。一失均失。無有
存者。墮落火坑。因仍流轉。與蠢動同。詎不悲乎。夫
此上清。具神通界。境致昭嚴。其所具設。無不華美。
而禹餘宮。色相莊嚴。上懸華蓋。有五色雲。四面繚繞
。放五色光。照燭一切大千世界。皆成五色。祥光瑩徹
。無有隱者。其中復出。微妙異香。化爲氤氳。和靄之
氣。徧佈諸天諸地之處。一切天人。餐是佺氣。皆各滿
足。無有厭者。以斯勝概。集諸天人。咸至其下。俄見

上清。聖境廓開。現諸樓閣。琪花珠寶。玉樹瓊枝。仙禽異獸。各各一名。罔可形狀。又現一切殿閣樓臺。金碧焜煌。霞彩燦爛。一切真聖。佺宰高士。星冠劍履。環珮瑤琚。往來出入。各顯妙相。復有天真玉女之輩。霞髻雲鬟。瓊珮彩裳。各捧摩尼寶珠一粒。環繞道前。忽現天尊神人之像。猙獰奇狀。各執利刃。弓矢戈戟。現三首眼。各能言視。化六手臂。各有捧持。環立拱護。變化無端。是諸天人。遠觀遐矚。竹音。莫能相即。讚嘆希有。無有異者。夫此妙境。罕所覩聞。罕有能至。至佺至妙。幾絕形容。豈知此中。更有佺奧。挹其佺奧。真爲叵測。太極渾涵。萬象具足。以一黍米。藏諸世界。以一芥子。納諸須彌。以一毫端。建諸梵剎。以一微

塵。現諸法像。以一竅聲。化億萬聲。以一孔氣。變千萬形。俄而日月。任其盤旋。俄而風雷。恣其怒號。以有爲無。原無而有。非真非幻。造化無方。是諸靈寶。出大妙音。爲諸真宰。啓諸道藏。宣說靈妙無量之法。傳以清靜不二之儀。金符玉篆。科律森嚴。傳授秘密。無上心印。金章玉質。丹黃妙色。無極佺文。轉授天人。流佈塵世。依科修奉。乃者天尊。慈悲度劫。各以所得。靈寶心印。妙法真傳。金科玉律。下度人世。遇諸真人。道德崇高。可與授者。遂設玉局。親相指示。廣被遐裔。流諸後世。罔敢不遵。緣是慈腸。遂各苦行。以衍無疆。歷千萬劫。保固天地。變理陰陽。調和元氣。養育羣品。利賴幽明。超證神仙。安奠五嶽。建宰五

方。化及草木。莫有異者。是此妙法。天子得之。建太
平治。諸侯得之。立齊治本。士庶得之。厥身以正。鳥
獸得之。厥性以靈。昆蟲得之。而全其命。草木得之。
而遂其生。山川得之。而鍾靈異。湖海得之。而儲其神。
。修道之士。得此至要。正位天真。儒流得之。而文明
盛。釋氏得之。而見性真。凡諸無情。無聲無色。得此
妙法。各悟原因。幽明罪衆得之。而永脫乎輪迴。故知
妙法。無可思議。無可想像。無可言說。無可指示。以
我觀物。以物觀理。以理觀數。以數觀天。以天觀道。
以道觀法。因法成象。因象成形。因形成質。因質成名。
。因名成物。因物成人。因人成教。爰有太上。宗靈寶
法。垂範後人。故知上清真境妙法。開道德教。無窮無

極。豈不微乎。豈不微乎。是此太上。原於元始。傳於靈寶。降生塵世。示諸靈異。聖躬誕育。鬚髻皓然。凡諸語言文字。玄奧。無用師資。各體其要。各會其微。浩劫之前。一切因緣。各各明了。浩劫以後。一切道法。各各貫通。上極於天。上天之載。一切玄微。各各徹悟。下極於地。至於幽冥。一切秘密。各各了然。中極人事。倫常道德。禮樂國政。度數文章。至理淵微。至道玄要。一切宏綱。細目端委。各各通達。心心印證。至聖尼山。深相讚歎。古今希有。以斯絕倫。妙質殊才。帝觀玄微。具大神通。無邊法力。憫諸衆生。罕聞大道。如聾如瞽。盲心昧志。爰闡靈章。極五千言。發揚道德。清靜無爲。至玄真要。奧理昌明。教法廣備。罔有

遺旨。爰有至人。誕生其時。隱諸下吏。爲闕門尹。法
諱曰喜。生而靈異。聰慧超羣。一瞬息間。千行俱透。
博極羣書。廣叅玄奧。惜乎無傳。一間未達。邇者太上
。放太毫光。燭照是處。產此異人。實爲道器。可傳斯
旨。迺駕青牛。西度函關。惟時至人。默坐玄眇音勉。知
有真人。自東而來。爰伸積愆。長跼道旁。丐求玄祕。
是時太上。知是傳人。乃著道德真經授之。是此至人。
言下大悟。豁然了了。遂得天地不傳妙寶。永垂至教。
被於無疆。因著文始真經九篇。闡揚道德。太上以斯妙
道有傳。至教已立。後世永賴。乃復一氣。歸於太清。
大赤宮中。爲道宗師。是此天宮。在太清境。爲諸天地
。玄闕至奧。一切天尊。帝釋真宰。聖賢仙道。佛菩提

祖。皆從此天。印證玄奧。得聞斯祕。乃可得入大羅仙
班。是茲天宮。爲佺之鍵。一切有爲。無爲至聖。至神
真人。如欲得觀。靈寶妙相。乃欲更進。仰窺玉清。聖
境莊嚴。必從是天。經歷佺妙。或幸得覩。是此太清。
爲神仙都。凡諸境界。一切勝境。光景迴異。是諸異卉
奇葩音巴香艷。炫睛搖目。素所希見。復有山陵谿谷。怪
石異木。靈巖絕壑。藏諸珍禽異獸。虎文豹采。墨麟白
澤。青鳥赤鳳之物。種種不同。變現靈異。各有殊觀。
又復各現雲臺方文。綺閣雕楹。朱萐音萌畫檻。白玉爲街
。黃金音縟甃。五色寶石。徧佈諸地。其中復有上佺真
宰。天尊大聖。羽士黃冠。金童玉女。各佩五色雲霞之
衣。從容雅步。出入逍遙。自然快樂。內復有諸天神雲

將。或御虬音龍。或駕赤虎。各執寶械。環衛諸天。是時太上默坐睇膝。無所宣示。爾乃五帝長跽音忌凡前。乞法垂教。頰顙恭恪。未敢遽起。太上慈顏。忽爾開霽。乃爲五老指示精微。慨爾言曰。吾之至教。久著一經。名曰道德。授於尹喜。傳流人世。依教持行。登證仙道。是時五帝。各白道前。是此道德。清靜真經。幽深玄遠。下士修道。罕窺其密。伏願聖慈。示以玄要。爾乃太上。爲五帝言。此至真妙。道之玄微。匪可口授。要諸心叅。若或求諸語言之間。人皆泛視。不由師承。妄爲臆揣。多墮旁門。故第言其清靜無爲。收攝一切。客塵妄動。然後示以至道玄微之所端倪。俾其漸悟。默會真玄。今爾再四求指其要。我爲言之。子宜靜聽。蓋此

太清。居天之中。爲天樞紐。名曰玄關。生天生地。生人生物。皆從此天。先地而生。有此一天。然後氣通。無象之始。因無象中。一玄妙理。蘊釀元炁。乃獲長保。先天後天。暨諸天地。山川人物。若非是天圓轉生化。氣機遂息。故諸仙佛聖賢真宰。非通是天。無由會見玉清聖境。此固修士道德具足之時。所宜急講者也。吾昔於世。以我觀天。因見我身。亦由大清至玄之境。其中玄關。統攝諸氣。先天後天。咸於此判。分陰陽界。立水火門。上不於上。必通於下。下不於下。必通於上。上下相通。必經是關。左而會右。右而會左。必通是關。然後歸一。引陰交陽。必度是關。引陽濟陰。必度是關。是諸真水。度關濟火。是諸真火。度關濟水。渾

水火而共出一原。會陰陽而歸於太極。判極爲兩。合兩爲一。總會此關。無有逾者。然此佺關。居臍之中。非上非下。非左非右。非前非後。非淺非深。盼音畔睽音賚二氣。嘿音默會神精。始由下被。終圖上升。匪虛匪實。非形非聲。形聲俱泯。象態難名。凡諸修士。趺坐屏息。澄清萬慮。調伏元神。內無物擾。外無塵撓。任彼一切。有情無情。魔障相尋。中有所言。亦各無心。極彼分擲。不見不聞。如是清靜。無所緣因。乃得默運。真元之精。由於氣海。上至太清。自太清境。徧歷周身。一切法界。至於上清。禹餘宮中。經乎氣機。至出納司。上會玉清。還乃下濟。至於太清。大赤宮中。與諸一切三寶法物。融結成境。渾爲太極。先天之妙。開基空闊。

。納諸眷屬。無有遺者。爾乃得以收攝元神。居處其中。
。各家眷屬。環相圍繞。如坐鐵城。如入奧室。如登極
頂。如入廣淵。罔有見者。是諸天宮。更現光景。供其
娛玩。復獻妙飲。瓊漿玉液。供其啖食。復有祥光。四
面繚繞。照燭一切。無爲法界。是諸真宰。羣相引導。
香花徧滿。供具各足。乃獲登於大羅仙班。是此至要。
總極玄微。匪所易得。爾諸五老。各以其身。保護斯人。
。得正妙果。我昔聞此至玄要道。以爲此身此心此理。
本之三清。還乃以所始得之身。仍從太清。詣玉清境。
是則此身。與天無異。三清妙道。取之於己。各各具足。
。無或闕焉。但此妙道。傳於太上。至精至微。至玄至
奧。雖極顯揚。初學之士。未獲師承。無能致力。我今

於世。廣施法乳。開方便門。示以截徑。爲彼三教。各述良因。俾爾後學。按法習行。雖於至道。未悉佺微。然苟力行。亦或有得。是諸弟子。劇淨異同。人我之見。詳視審聽。無生障礙。共證是因。蓋人一身。惟精氣神。固精養氣。心神安寧。藏其玄宰。無俾喪傾。然此功要。先淨六根。六賊既伏。七情無因。既無情識。乃無苦惱。以無苦惱。因無情想。以無情想。因無妄心。乃得此心。清淨無爲。若太虛然。無所不有。而如無有。無無有故。始無所障。無所障礙。乃無不靈。惟靈斯神。惟神斯通。通無弗通。遂明佺奧。我示修士。先須主靜。欲靜須誠。欲誠須敬。欲敬須慎。慎無妄言。慎無妄動。慎無妄意。慎無妄因。至無妄因。雖歷煩雜嘈

沓之處。罔有妄者。以無妄故。內斯寧謐。主一無適。以存其誠。如是存誠。乃與歸靜。靜之之極。明自生焉。由其能明。是以能行。儒者敦行。一切倫常。罔有愧怍。則可入德。希聖希天。釋者能行。觀空得空。而非頑空。求佛於心。以心印佛。即心即佛。即佛即心。相彼如來。如是如是。道士志人。能敦厥行。始以其神。御諸元氣。既以其氣。收攝其精。精足則一切氣皆足。氣足則一切神皆足。神足其氣。氣足其精。精足其神。如是具足。大丹乃成。是諸三教。分門別戶。究所由來。皆從一極。尋原究委。則彼歸宿。仍會極中。匪惟始終。歸本太極。無二無三。即其功行。由知而行。由敬而誠。由誠而靜。由靜而明。由明而神。其中次第。無

所分更。惟彼儒者。多事格物。其教爲實。惟彼釋氏。從事靜叅。止明性體。不修命元。其教爲空。若夫道流。性命雙修。先固本根。後叅玄要。虛不爲空。實不徒實。故其爲教。合天地人。無有外者。至哉道乎。立於無始。生天生地。生人生物。運化古今。磅礴宇宙。入幽出顯。拔度羣倫。或儒或釋。爲聖爲賢。爲佛菩薩。皆於斯道。是二是一。以至王侯將相宰臣。修此妙道。福祿爾昌。治國寧民。聖明天子。修此妙道。運祚悠長。綿歷無疆。嘆哉斯道。推運刼會。敦固坤輿。遷流時序。升沉二象。運行陰陽。體統太極。保固天根。視之不見。聽之不聞。因應變化。神乎其神。修道之士。克會玄微。鍊精氣神。立其命原。固其本真。徐悟本來。

親見由然。然後積累三千八百。深宏功行。以正金仙。復由太清。清靜無爲。受法靈寶。闡揚玉清。元始真一至道。積種種功。行種種行。願盡累劫。立無量無等之功德。於是殊勳懋績完足。迺始親受玉皇誥命。爲大羅天。無上無爲。至真玄宰。號爲天尊。與天地俱。微妙哉。爾諸弟子。諦聽斯旨。各各明了至玄至道。微妙因緣。如法修持。生大智慧。無二無疑。乃有十方至真上宰。默爲保護。一切魔王。咸爲俯首。在世長年。或膺寵祿。位極人臣。或住名山。逍遙快樂。天爵尊榮。無與等者。爲演此經。永垂後世。至哉妙道。法無等亦無倫。一切有無情。咸蒙是經利。

廣化真君讚

寶灑同法虛佞得未曾。元皇演化闢蒼冥。靈九天開赤炁

。萬法歸宗復一元。道德天微傳象教。混淪濁界露天
心。上清蓬壺希觀相。鬱勃婆羅轉法輪。佞炁垓升廓
碧落。雲篆凝虛現始青。玉符頒御吞浩劫。化化無端
徧玉京。蘭林香噴陵谷易。鳥篆虬章定玉衡。視根盤
結天根固。三十六宮盡含春。真師洩漏佞佞妙。一字
因緣證上乘。

柳真師三品真經後記

嘗謂天經地緯。絢爲璀璨之文章。海藏河沙。衍夫佞
妙之義蘊。久矣玉局宏開。兩間盡網緼之氣。聿哉貝
書廣譯。三乘極梯筏之言。古今來聖賢心印。仙佛傳
燈。載諸金石。播諸竹帛。雖徧五千四十八數而增益

之。烏足計經典之旨歸也哉。則是仙經佺範之昭垂於
宇宙間者。朗朗然炳如日星。煌煌然光被上下。又烏
可以燭照而數計也。尚何品之云乎。我孚佑帝師。誓
無量度人之願。現身說法。普濟羣迷。一片婆心。隨
時方便。憫茲下土凡愚。汨沒日甚。斷喪日深。更兼
左道狂瀾。肆行妄誕。愈見浸熾。而於三教本原。不
特渺焉莫究。且復彼此交譏。互相攻擊。正道之榛蕪
。聖言之闕音塞。非我孚佑帝師。振臂一呼。大施覺
路。幾幾乎墜地斯文。糜爛人心矣。爰於壬午之歲。
鶴駕臨凡。降夫夏汭。集衆弟子。結涵三壇。闡演靈
章。恢宏正化。歷十餘載。至壬辰歲。始告竣天工。
付厥鐫印。其經典之透闢三教宗旨。理致淵深。分者

合之。二者一之。晦者明之。統疑者晰之。發乾坤之
祕。大彰今古之微。誠希有之真文。實至佗之寶錄。
津梁未學。啓迪後人。其功德力。豈榮之所能殫述哉
。又豈榮之所敢仰讚也哉。第憶數十年來。凡經營典
務。榮幸忝列侍從。得以稍伸贊勸。奔走後先。時親
優渥。含哺法乳。餐聽妙音。見聞斯道之萬一於聖側
。固屬涵三諸弟子。因緣際遇。然皆我孚佑帝師。惓
惓不已。不厭不倦之訓勉。而成斯懋績也。於是大典
鐫印之後。我師即證無上玉清之果。而諸子亦被利刺
無窮之休。獨惜近念餘年。沿習漸微。廣佈未幾。甚
有於斯典計慮者。迺得金陵孫子守恕。夙慕佗宗。久
飴道位。獲親餘澤。仰覩鴻文。欣然拜悅。矢力重梓

。以廣流通。復慮經軸莊嚴。奉持者未免凜科律之戒。
。不能朝夕玩索。以期體行。似於聖心博施之功。有
所閉礙。遂請易爲簡帙。裝訂成函。而其矢誠繕錄者
。則上元恪誠解子也。工竣乞誌始末於經後。榮思至
人窮神而達化。固無等倫。則其敷演至言。博採而旁
摻。應無涯涘。特是道之精湛。雖已洩於探幽鈎隱之
際。然而文之昭布。必有賴乎變綱調紀之人。佞教藩
籬。得斯誠信之子。可作東南半壁矣。我孚佑帝師。
無量度人之願。不幾有所慰藉乎哉。將見是函之徧惠
海隅。使衆生成聞道要。獲覩真宗。則三品之一而二
。二而三。三而窮之十百千萬。俾人人心目中。皆有
此三品一典。其功德力。真不可燭照而數計也。孫子

流衍之功。與解子臨摹之力。其福蔭又不與斯典常存
歟。榮幸叨見聞之榮。敢肆筆道其始末。以誌冊尾。將
以爲天下後世聞知者。勉修厥德云爾。是爲記。昔昔
旃蒙單闕孟輒上浣方山道士宏教真人弟子柳榮稽首拜
撰。